



Broj:
Mostar,

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14), Agencija za sigurnost hrane Bosne i Hercegovine, p o d n o s i

IZVJEŠTAJ O RADU

AGENCIJE ZA SIGURNOST HRANE BOSNE I HERCEGOVINE ZA 2023. GODINU

I - UVOD

Agencija za sigurnost hrane Bosne i Hercegovine (u daljnjem tekstu: Agencija) obavlja djelatnosti i zadatke u skladu s odredbama Zakona o hrani („Službeni glasnik BiH“, broj 50/04), Zakona o genetički modificiranim organizmima („Službeni glasnik BiH“, broj 23/09), podzakonskim propisima koji uređuju sistem sigurnosti hrane, kao i zakonskim i podzakonskim propisima koji uređuju funkcioniranje organa državne uprave.

Program 1.1 Procjena, upravljanje i komunikacija rizika porijeklom iz hrane i hrane za životinje

Projekt 1.1.1 Procjena rizika u oblasti sigurnosti hrane

Poduzimaju se pripremne radnje u cilju formiranja Savjetodavnog vijeća, Naučnog vijeća i naučnih odbora u skladu sa članom 54. tačka h) Zakona o hrani. Upravni odbor je usvojio Odluku o izmjenama i dopuni Statuta i Odluku o kriterijima za izbor članova Naučnog vijeća i naučnih odbora. U izvještajnom periodu, Agencija je u cilju pružanja naučnih savjeta, te naučne i tehničke pomoći pripremila i izradila jednu procjenu rizika porijeklom iz hrane koja je namijenjena predstavnicima nadležnih inspeksijskih organa za poduzimanje odgovarajućih mjera u predmetnoj oblasti i to: *Trycylazol u uzorku riže (RA 01-2023)* i jednu informaciju o sigurnosti konzumiranja sjemenki *Lathyrus Sativus*.

EU RASFF sistem - Agencija je, tokom 2023. godine, zaprimila 23 EU RASFF obavijesti o rizicima porijeklom iz hrane/materijala u kontaktu s hranom. Izvršena je evaluacija obavijesti, pripremanje i dostavljanje obavijesti nadležnim organima u bh sistemu. Agencija je nadležnoj službi EC „SANTE RASFF“, tokom 2023. godine, dostavljala i izvještaje o poduzetim mjerama nadležnih organa u BiH, uzimajući u obzir povratne informacije inspeksijskih organa. Povratne informacije trećih zemalja EC čini dostupnim članicama EU RASFF mreže. Kontakt tačke trećih zemalja imaju pristup RASFF WINDOW aplikaciji i informacijama koje ih se isključivo tiču.

Obavijesti izvan EU RASFF sistema - Agencija je zaprimila ukupno 12 obavijesti izvan EU RASFF sistema koje su na daljnje postupanje i poduzimanje odgovarajućih mjera dostavljene nadležnim organima.

WHO/FAO INFOSAN mreža - Od INFOSAN Sekretarijata, tokom 2023. godine, nije bilo zaprimljenih hitnih INFOSAN obavijesti.

Monitoring hrane - U saradnji s nadležnim organima BiH i entiteta pripremljen je i proveden *Program praćenja (monitoring) ostataka pesticida u i na hrani biljnog i životinjskog porijekla u 2023. godini*. Ukupno je uzorkovano 155 uzoraka hrane, te su vršene analize na prisustvo 197 aktivnih materija. Od ukupno 155 analiziranih uzoraka, 97 (62,6%) uzoraka nije sadržavalo ostatke pesticida na nivou kvantifikacije, 58 uzoraka (37,4%) je sadržavalo ostatke

pesticida u/iznad nivoa kvantifikacije, dok je deset (6,5 %) uzoraka sadržavalo pesticide iznad dozvoljenog MDK, ali u granicama mjerne nesigurnosti, te se ti uzorci smatraju odgovarajućim. Nije bilo neodgovarajućih uzoraka.

Saradnja s laboratorijima - Agencija je i u 2023. godini nastavila saradnju s laboratorijima za kontrolu hrane u BiH. Na osnovu trenutno obrađenih podataka o laboratorijskim analizama, u BiH, je uzorkovano 47.742 uzoraka hrane, od čega je neodgovarajućih bilo 2.566 ili 5,37% uzoraka.

Na području BiH u 2023. godini je registriran ukupno 651 slučaj obolijevanja gdje je hrana potvrđena kao uzrok/put prenosa. Trenutno nisu registrirana obolijevanja u epidemijskoj formi.

Registri - U skladu s odredbama propisa o hrani Agencija vodi više registara koji su tokom izvještajnog perioda redovno ažurirani.

Saradnja sa međunarodnim i EU institucijama i organizacijama

Međunarodna saradnja - Saradnja s Evropskim autoritetom za sigurnost hrane (EFSA)

- U izvještajnom periodu potpisan je Ugovor o međusobnoj saradnji s Evropskim autoritetom za sigurnost hrane (EFSA) za period od 01.08.2023. - 31.07.2026. godine. U skladu s ugovornim odredbama, eksperti iz BiH su i u 2023. godini redovno učestvovali u radu i na sastancima radnih tijela EFSA-e (Savjetodavno vijeće, Mreža kontakt tačaka, naučne mreže iz oblasti pesticida, kontaminanata, genetički modificiranih organizama, dobrobiti i zdravlja životinja, rezidua veterinarskih lijekova, antimikrobne rezistencije i komunikacije rizika). Agencija je, kao kontakt tačka EFSA-e, u izvještajnom periodu koordinirala unos podataka iz BiH o ostacima pesticida, ostacima veterinarsko - medicinskih proizvoda, zoonozama, epidemijama uzrokovanim hranom i BSE/TSE za 2021. godinu u EFSA DCF.

Better training for safer food - Realizirano je učešće 27 predstavnika iz BiH na 15 treninga u okviru „*Better training for safer food*“.

IPA 2018 - U izvještajnom periodu nastavljene su aktivnosti u okviru Twinning projekta: *Podrška EU izgradnji kapaciteta i postupnom usklađivanju s pravnom stečevinom EU u sektoru sigurnosti hrane u Bosni i Hercegovini*. U toku 2023. godine, u okviru Projekta, ukupno je održano 18 ekspertske misije koje su za cilj imale poboljšanje sigurnosti i kvaliteta hrane kroz provođenje naprednih nivoa politika o sigurnosti hrane i propisa usklađenih s pravnom stečevinom EU. Projekat je realiziran krajem osmog mjeseca izvještajnog perioda.

Saradnja sa Food and Agriculture Organization (FAO) - U okviru projekta „Priprema zahtjeva za registraciju za top šest prioritarnih GO proizvoda“ TCP/BIH/3903/C2 (736862), održano je više treninga o praktičnim alatima za pripremu GO specifikacija za 6 + 1 prehrambeni proizvod (Semberski kupus, Fojnički krompir, Hercegovački ćufter, Majevički dimljeni sir Zrac, Hercegovački škripavac, Kukuruz Popovopoljac i Gatački kajmak iz mješine). Kao izlazni rezultat projekta je zvanično podnošenje zahtjeva Agenciji za registraciju geografske oznake za četiri proizvoda dok je za preostala tri proizvoda pripremanje dokumentacije u toku.

Projekt Češke razvojne agencije - U izvještajnom periodu održana je jedna obuka u Institutu za javno zdravlje RS koja je za cilj imala usavršavanje osoblja laboratorija za kontrolu hrane. Također, održan je i radni sastanak sa predstavnicima Federalnog zavoda za javno zdravlje, a vezano za nastavak aktivnosti u okviru navedenoga projekta. Predstavnici Agencije, u mjesecu martu 2023. godine prisustvovali su obuci „*Priprema monitoring programa za aditive u hrani*“, koja se održala u Pragu, Češka.

Projekt 1.1.2 Koordiniranje izrade propisa usaglašenih sa legislativom Evropske unije kako bi se osigurao izvoz hrane i hrane za životinje, te zaštitili interesi potrošača i proizvođača

Propisi o hrani - Na prijedlog Agencije u saradnji s nadležnim organima, Vijeće ministara BiH donijelo je tri propisa i to: *Pravilnik o čaju, biljnom čaju, voćnom čaju i instant čaju* („Službeni glasnik BiH“, broj 24/23); *Odluka o osnivanju Komisije za priznavanje prirodnih mineralnih, prirodnih izvorskih i stonih voda u Bosni i Hercegovini* („Službeni glasnik BiH“, broj 75/23) i *Odluka o imenovanju članova Vijeća za genetički modificirane organizme* („Službeni glasnik BiH“, broj 82/23).

Smjernice za tumačenje i provođenje Pravilnika o mikrobiološkim kriterijima – Agencija je, u saradnji s predstavnicima nadležnih organa Bosne i Hercegovine, entiteta i Brčko distrikta BiH i međunarodnim ekspertima izradila i objavila *Smjernice za tumačenje i provođenje Pravilnika o mikrobiološkim kriterijima*. Smjernice daju objašnjenja i preporuke za provođenje odredbi Pravilnika o mikrobiološkim kriterijima za hranu („Službeni glasnik BiH“, br. 11713, 79/16 i 64718) i predviđene su kao opći vodič za subjekte u poslovanju s hranom, službene osobe nadležnih organa i laboratorije koje provode mikrobiološka ispitivanja hrane.

Smjernice za klasifikaciju rizika kod poslovanja s hranom i učestalost inspekcija – Agencija je uz podršku Twinning projekat finansiranom od strane EU, Podrška EU izgradnji kapaciteta i postepenom usklađivanju u sektoru sigurnosti hrane u Bosni i Hercegovini s pravnom stečevinom EU izradila i objavila *Smjernice za klasifikaciju rizika kod poslovanja s hranom i učestalost inspekcija*. Namjena smjernica je osigurati alat za procjenu rizika koji će nadležnim organima omogućiti dosljedan pristup planiranju inspekcija i raspoređivanju resursa sa većim posvećivanjem pažnje objektima višeg rizika, a time, putem sigurnosti hrane, unaprijediti zaštitu javnog zdravlja.

Projekt 1.1.3 Implementacija propisa iz oblasti sigurnosti hrane

Oblast genetički modificiranih organizama – Vijeće za GMO, u izvještajnom periodu, održalo je ukupno 12 sjednica. Usvojen je Izvještaj o radu Vijeća za genetički modificirane organizme za period 01.01.-31.12.2022. godine. Doneseno je sedam mišljenja po zahtjevu subjekata u poslovanju s hranom za životinje za izdavanje rješenja o odobrenju za stavljanje na tržište BiH GM hrane za životinje i dva stručna mišljenja nadležnim organima, odnosno zainteresiranim stranama vezano za ograničeno upotrebljavanje GMO u kontroliranom zatvorenom sistemu. Agencija je na osnovu navedenih mišljenja donijela sedam rješenja o odobrenju za stavljanje na tržište BiH GM hrane za životinje. Završene su aktivnosti na štampanju publikacije „*Genetički modificirani organizmi u Bosni i Hercegovini*“.

Komisija za priznavanje prirodnih mineralnih, prirodnih izvorskih i stonih voda u Bosni i Hercegovini - U izvještajnom periodu Komisiji imenovanoj Odlukom o imenovanju Komisije za priznavanje prirodnih mineralnih i prirodnih izvorskih voda u Bosni i Hercegovini („Službeni glasnik BiH“, broj 43/20) istekao je mandat u junu mjesecu 2023. godine. Za navedeni period Komisija je održala pet sjednica. U oktobru mjesecu 2023. godine imenovan je novi saziv Komisije Odlukom o imenovanju Komisije za priznavanje prirodnih mineralnih i prirodnih izvorskih voda u Bosni i Hercegovini („Službeni glasnik BiH“, broj 75/23). Ovaj saziv Komisije održao je dvije sjednice do kraja godine. U izvještajnom periodu Komisija je, nakon razmatranja, okončala 21 predmet za priznavanje prirodnih mineralnih, prirodnih izvorskih i stonih voda i donijela Mišljenja o navedenim predmetima. U skladu s Mišljenjima, Agencija je donijela rješenja o priznavanju prirodnih mineralnih, prirodnih izvorskih i stonih voda. Sve priznate vode upisane su u Registar Agencije. Ažurirana Lista priznatih prirodnih mineralnih voda i prirodnih izvorskih voda u Bosni i Hercegovini kao i

Popis stonih voda u Bosni i Hercegovini, objavljeni su u „Službenom glasniku BiH“, broj 1/23 i na web stranici Agencije www.fsa.gov.ba. U cilju praćenja sigurnosti i kvaliteta prirodnih mineralnih, prirodnih izvorskih i stonih voda kako prilikom uvoza tako i prisutnih na tržištu BiH, Agencija je svim nadležnim inspekcijskim organima poslala obavijest o objavljivanju ažuriranih Listi u Službenom glasniku BiH. U svjetlu najnovijih rezultata ispitivanja kvaliteta i zdravstvene ispravnosti prirodnih mineralnih, prirodnih izvorskih i stonih voda koje se stavljaju na tržište u BiH, Komisija je dala Agenciji preporuke za nadležne inspekcijske organe i preporuke za subjekte u poslovanju s hranom koji vodu stavljaju na tržište BiH, koje je Agencija dostavila navedenima.

Komisija za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini - U izvještajnom periodu Komisija je rješavala dva zahtjeva za registraciju prehrambenih proizvoda zaštićenih oznakom garantirano tradicionalnog specijaliteta. Nakon provedenih postupaka, Agencija je, na prijedlog Komisije donijela dva rješenja za registraciju prehrambenih proizvoda zaštićenih oznakom garantirano tradicionalnog specijaliteta koja su objavljena u „Službenom glasnik BiH, broj 46/23, dok Agencija vodi registar prehrambenih proizvoda zaštićenih oznakom porijekla, registar prehrambenih proizvoda zaštićenih oznakom geografskog porijekla, kao i registar prehrambenih proizvoda zaštićenih oznakom garantirano tradicionalni specijalitet.

Upravni odbor Agencije - je održao 12 sjednica na kojima je razmatran i usvojen Pravilnik o izmjenama Pravilnika o neželjenim supstancama u hrani za životinje i Odluka o odobrenju predizvoznih pregleda badema koje SAD provode prije izvoza u pogledu prisustva aflatoksina. Također je usvojen Program rada Agencije za sigurnost hrane BiH za 2024. godinu, Izvještaj o radu Agencije za sigurnost hrane BiH za 2022. godinu i Godišnji izvještaj o izvršenju budžeta Agencije za sigurnost hrane BiH za period 01.01. – 31.12.2022. godine. Upravni odbor je razmatrao i primio k znanju više informacija iz djelokruga rada Agencije. Na osnovu odredbi člana 59. Zakona o hrani („Službeni glasnik BiH“, broj 50/04), a zbog ispunjavanja uvjeta o prestanku mandata za dva člana Upravnog odbora u skladu s članom 2. stav (2) Odluke o imenovanju članova Upravnog odbora Agencije za sigurnost hrane Bosne i Hercegovine („Službeni glasnik BiH“, br. 47/20, 84/20 i 83/22), Agencija je pripremila i dostavila Vijeću ministara BiH na razmatranje i usvajanje Prijedlog Odluke o izmjeni Odluke o imenovanju članova Upravnog odbora Agencije za sigurnost hrane Bosne i Hercegovine kojom bi se imenovali novi članovi Upravnog odbora.

Mreža organizacija u području sigurnosti hrane i hrane za životinje - U skladu s „Odlukom o uspostavi Mreže organizacija u području sigurnosti hrane i hrane za životinje“, a na osnovu prijave na javni poziv Agencije, formirana je Mreža organizacija u području sigurnosti hrane i hrane za životinje kojoj je dosad pristupilo 18 instituta, zavoda i fakulteta. Putem mreže se redovno distribuiraju različiti materijali koje producira EFSA, FAO, WHO te druga tijela i organizacije koje se bave sigurnošću hrane.

Baza eksperata Agencije - Zadaci Agencije obuhvaćaju i pružanje: naučnih savjeta, te naučne i tehničke pomoći vezano uz ljudsku prehranu u vezi sa zakonodavstvom BiH, kao i pomoći u komunikaciji vezano uz pitanja prehrane u okviru programa zdravstvene zaštite u BiH; naučnih mišljenja o drugim pitanjima vezanima uz zdravlje i dobrobit životinja i zdravlje bilja; naučnih mišljenja o proizvodima, uključujući hranu i hranu za životinje vezano uz genetički modificirane organizme. Imajući u vidu da je za realizaciju naprijed navedenih zadataka Agencije neophodno uključiti akademsku zajednicu i ostale nezavisne eksperte, u tu svrhu Agencija je formirala bazu eksperata, koja se redovno ažurira i u kojoj su do sada prijavljena 124 eksperta iz područja sigurnosti hrane. Agencija eksperte angažira po potrebi.

Saradnja sa naučno - istraživačkim institucijama u Bosni i Hercegovini - U cilju unapređenja saradnje sa naučno-istraživačkim institucijama u Bosni i Hercegovini, Agencija je potpisala Sporazum o naučno-istraživačkoj i stručnoj saradnji sa 17 institucija (među njima

su fakulteti/univerziteti, zavodi i instituti). Sporazumi o naučno-istraživačkoj i stručnoj saradnji obuhvaćaju edukaciju naučnog i stručnog kadra iz oblasti sigurnosti hrane, učešće u zajedničkim naučno-istraživačkim projektima i istraživanjima u oblasti sigurnosti hrane kao i razmjenu rezultata naučnih i stručnih istraživanja iz navedenih oblasti. Ugovorne strane učestvovat će u zajedničkom organiziranju aktualnih tematskih predavanja iz oblasti sigurnosti hrane, radionica, seminara, okruglih stolova i simpozija. Agencija će omogućiti uzajamnu edukaciju studenata, kao i doedukaciju naučnog i stručnog kadra fakulteta i Agencije na naučnim i stručnim skupovima koji se budu organizirali: seminari, radionice, okrugli stolovi i predavanja. Saradnja će se odvijati i kroz razmjenu naučne i stručne literature iz oblasti sigurnosti hrane kao i drugim vidovima prihvatljivim za ugovorne strane.

Realizacija zaključaka Vijeća ministara BiH - U izvještajnom periodu, Vijeće ministara BiH zadužilo je Agenciju za realizaciju četiri zaključka, koji su uspješno realizirani. Realizacija Zaključaka Vijeća ministara BiH je prioritet u realizaciji Agencije.

U segmentu komunikacije sa sredstvima javnog priopćavanja evidentirano je ukupno 76 aktivnosti, među kojima su priopćenja za javnost, izjave za medije te pismeni odgovori na upite medija. Kontinuirana komunikacija s javnošću, odvija se i putem web stranice Agencije na kojoj se objavljuju brojne teme iz područja sigurnosti hrane, uključujući informacije o povlačenju i opozivu hrane s tržišta, kao i sadržaji od interesa za stručnu i opću javnost. U 2023. godini na web stranici je objavljeno 75 informacija u različitim rubrikama (vijesti – 46; javne nabavke – 27, smjernice/vodiči – 2), a također je registrirano i 68.365 jedinstvenih posjeta sa pregledom od 145.047 sadržaja.

Odgovori na upite vezano za implementaciju propisa iz oblasti sigurnosti hrane - U izvještajnom periodu pripremljena su 173 odgovora na upite subjekata u poslovanju s hranom, nadležnih organa svih nivoa vlasti i ostalih zainteresiranih strana, a koji su se odnosili na implementaciju propisa iz oblasti sigurnosti hrane.

Odgovori na zastupnička pitanja - Agencija je u toku 2023. godine pripremila i dostavila odgovore na 13 zastupničkih pitanja.

Budžet Agencije odobren je u skladu sa Zakonom o budžetu institucija BiH i međunarodnih obaveza BiH za 2023. godinu ("Službeni glasnik BiH", br. 22/23) i iznosi 2.048.000,00 KM. Ukupno realizirani izdaci (s danom prispjelih računa 19.12.2023. godine) za tekući budžet iznose 1.720.471,40 KM. Odobreni budžet korigiran je za iznos 116.629,61 KM na ime četiri programa posebne namjene (donacije), a realizirani izdaci (s danom prispjelih računa 19.12.2023. godine) su 75.892,72 KM.



Kneza Višeslava bb, 88 000 Mostar, Bosna i Hercegovina
 Кнеза Вишеслава бб, 88 000 Мостар, Босна и Херцеговина
 ☎ + 3 8 7 3 6 3 3 6 9 5 0, 📠 + 3 8 7 3 6 3 3 6 9 9 0
 w w w . f s a . g o v . b a , E - m a i l : agencija@fsa.gov.ba



II – IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA AGENCIJE ZA SIGURNOST HRANE BIH ZA 2023. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost 2022. godina	Ciljana vrijednost 2023. godina	Ostvarena vrijednost na kraju godine 2023. godina	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12
1.1. Procjena, upravljanje i komunikacija rizika porijeklom iz hrane i hrane za životinje											
1.1.1 Procjena rizika u oblasti sigurnosti hrane	02, 03, 04	Broj	334	421	416	Budžet	729.900	567.755	IV	IV	U cilju realizacije ove aktivnosti nije bilo donesenih naučnih mišljenja u izvještajnom periodu. Kako bi se nadomjestilo navedeno, Agencija je pripremila preporuke, mjere i smjernice za daljnje postupanje nadležnim organima i ostalim zainteresiranim stranama.
1.1.1.1 Priprema i provođenje naučnih i stručnih istraživanja i monitoring planova, te izrada mišljenja i preporuka	02, 03, 04	Broj	249	300	285	Budžet	286.890	255.490	IV	IV	U izvještajnom periodu, Agencija je na osnovu obavijesti zaprimljenih putem EU RASFF sistema, INFOSAN mreže i obavijesti izvan EU RASFF sistema pripremila preporuke, mjere i smjernice za daljnje postupanje nadležnim organima i ostalim zainteresiranim stranama. Također su pripremljene i inicijalne procjene rizika porijeklom iz hrane.

1.1.1.2 Prikupljanje i vođenje baza podataka/evidencija	02, 03, 04	Broj	15	28	28	Budžet	187.080	176.004	IV	IV	Agencija je u izvještajnom periodu redovno ažurirala sve uspostavljene baze podataka, čije će ažuriranje i eventualno unapređenje biti nastavljeno kontinuirano i u narednom periodu.
1.1.1.3 Saradnja s međunarodnim i EU institucijama i organizacijama	02, 03, 04	Broj	70	93	103	Budžet	255.930	136.261	IV	IV	U okviru međunarodne saradnje, u izvještajnom periodu osigurano je učešće predstavnika svih nivoa vlasti na obukama koje su realizirane u saradnji s međunarodnim organizacijama.
1.1.2 Koordiniranje izrade propisa usaglašenih s legislativom Evropske unije, kako bi se osigurao izvoz hrane i hrane za životinje, te zaštitili interesi potrošača i proizvođača	02, 03,04	Broj	163	164	166	Budžet	681.080	619.370	IV	IV	U izvještajnom periodu urađena su tri propisa, a što je prikazano u tabeli za izvještaj za podzakonske akte.
1.1.2.1 Propisi o hrani	02, 03, 04	Broj	163	164	166	Budžet	681.080	619.370	IV	IV	U izvještajnom periodu urađena su tri propisa, a što je prikazano u tabeli za izvještaj za podzakonske akte.
1.1.3 Implementacija propisa iz oblasti sigurnosti hrane	02, 03, 04	Broj	1000	1295	1354	Budžet	586.020	533.346	IV	IV	Agencija je i u toku 2023. godini nastavila sa aktivnostima koje su se odnosile na implementaciju propisa iz oblasti sigurnosti hrane, a što je detaljnije prikazano u nastavku tabele.

1.1.3.1 Koordiniranje u vezi s hitnim slučajevima, rješenja za odobravanje za stavljanje na tržište hrane, pojašnjenje, tumačenje i odgovori u vezi implementacije propisa	02, 03, 04	Broj	1000	1295	1354	Budžet	539.140	490.678	IV	IV	U segmentu komunikacije sa sredstvima javnog priopćavanja evidentirano je ukupno 76 aktivnosti, među kojima su priopćenja za javnost, izjave za medije te pismeni odgovori na upite medija. Kontinuirana komunikacija s javnošću, odvija se i putem web stranice Agencije na kojoj se objavljuju brojne teme iz područja sigurnosti hrane, uključujući informacije o povlačenju i opozivu hrane s tržišta, kao i sadržaji od interesa za stručnu i opću javnost. U 2023. godini na web stranici je objavljeno 75 informacija u različitim rubrikama (vijesti – 46; javne nabavke – 27, smjernice/vodiči – 2), a također je registrirano i 68.365 jedinstvenih posjeta sa pregledom od 145.047 sadržaja. Dostavljena su 173 odgovora na upite subjekata u poslovanju s hranom, nadležnih organa svih nivoa vlasti i ostalih zainteresiranih strana. Također su praćene aktivnosti u radu Vijeća za genetički modificirane organizme, Komisije za priznavanje prirodnih mineralnih, prirodnih izvorskih i stonih voda u Bosni i Hercegovini i Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini te je u okviru ovih aktivnosti doneseno ukupno 30 rješenja u upravnom postupku.
1.1.3.2 Upravljačka i aktivnost podrške	02, 03, 04	Broj	50	50	60	Budžet	46.880	42.668	IV	IV	Agencija je u izvještajnom periodu izradila sve strateške dokumente koji su bili planirani Programom rada. Također su u skladu s planiranom dinamikom izrađeni finansijski izvještaji, kao i realizirani zaključci Vijeća ministara BiH.

Napomena:

02 SEKTOR ZA PRAVNE I FINANSIJSKE POSLOVE;

03 SEKTOR ZA NAUČNU SARADNJU, PROCJENU I KOMUNIKACIJU RIZIKA;

04 SEKTOR ZA UPRAVLJANJE RIZICIMA, GMO, HRANU ZA ŽIVOTINJE, CERTIFIKACIJU I OZNAČAVANJE HRANE

III – IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BIH ZA 2023. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv zakona	Vrijeme provođenja		Status zakona zaključno sa 31.12.2023. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1 (naziv programa)							
1.1.1 (naziv projekta)							
1.1.1.1 (naziv zakona)							
1.1.1.2 (naziv zakona)...							
1.1.2 (naziv projekta)...							
1.2 (naziv programa)...							

IV – IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BiH ZA 2023. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv podzakonskog akta	Vrijeme provođenja		Status podzakonskog akta zaključno sa 31.12.2023. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3			4	5	6
1.1 Procjena, upravljanje i komunikacija rizika porijeklom iz hrane i hrane za životinje							
1.1.2 Koordiniranje izrade propisa usaglašeni sa legislativom Evropske unije, kako bi se osigurao izvoz hrane i hrane za životinje, te zaštitili interesi potrošača i proizvođača							
Pravilnik o čaju, biljnom čaju, voćnom čaju i instant čaju	II	II	DA	DA	DA	DA	Pravilnik o čaju, biljnom čaju, voćnom čaju i instant čaju objavljen u „Službenom glasniku BiH“, broj 24/23.
Odluka o osnivanju Komisije za priznavanje prirodnih mineralnih, prirodnih izvorskih i stonih voda u Bosni i Hercegovini	III	III	DA	DA	DA	DA	Odluka o osnivanju Komisije za priznavanje prirodnih mineralnih, prirodnih izvorskih i stonih voda u Bosni i Hercegovini objavljena u „Službenom glasniku BiH“, broj 75/23.
1.1.1.3 Odluka o imenovanju članova Vijeća za genetički modificirane organizme	IV	IV	DA	DA	DA	DA	Odluka o imenovanju članova Vijeća za genetički modificirane organizme objavljena u „Službenom glasniku BiH“, broj 82/23.

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BiH ZA 2023. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv međunarodnog ugovora	Vrijeme provođenja		Status međunarodnog ugovora zaključno sa 31.12.2023. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 (naziv programa)							
1.1.1 (naziv projekta)							
1.1.1.1 (naziv međunarodnog ugovora)							
1.1.1.2 (naziv međunarodnog ugovora)...							
1.1.2 (naziv projekta)...							
1.2 (naziv programa)...							

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BiH ZA 2023. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5

VII - IZVJEŠTAJ O PROVEDENIM JAVNIM KONSULTACIJAMA KOD IZRADE IZVJEŠTAJA O RADU AGENCIJE ZA SIGURNOST HRANE BIH ZA 2023. GODINU

U skladu s odredbama Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine ("Službeni glasnik BiH", broj 94/14), proveden je postupak javnih konsultacija o Izvještaju o radu Agencije za sigurnost hrane BiH za 2023. godinu. Prednacrt izvještaja o radu je, u periodu od _____ godine do _____ godine, objavljen na službenoj web stranici Agencije za sigurnost hrane BiH (www.fsa.gov.ba) u dijelu koji se odnosi na javne konsultacije, isti je prošao **e konsultacije** na službenoj stranici Ministarstva pravde BiH i dostavljen na mišljenje Uredu za zakonodavstvo BiH i Ministarstvu finansija i trezora BiH.

DIREKTOR**Dr. sci. Džemil Hajrić, s.r.**